

呂祖全書

乙巳仲冬
萬德至善社重刊

呂祖全書修真仙懺小序

懺者何。悔也。易曰。震无咎者。存乎悔。又曰。无咎者善補過也。人孰無過。惟在知悔而善補。故自古佛仙著懺法。使人依式誦禮。實遷善悔過之要典。特懺悔二字。世人每多忽畧。不知懺以消其前愆。悔以滌其後慮。使懺而復作。是知過不改。昔孔子極稱顏子。有不善未嘗不知。知之未嘗復行。故曰不遠復。无祇悔。元吉。若只依科禮誦。全不反之於己。固爲無益。更或懺時似知悔悟。及臨事依舊作爲非善。匪惟失仙佛救世之悲心。抑且矯誣上真。招咎莫解。夫人之有過。猶浮雲之翳太空。其悔過也。如猛風之除重黷。誠於禮懺之際。檢點自心。上對高真。極意懺雪。冀消夙垢。誓行衆善。

。日日知非。心心寡過。以祈至於無過。可懺。豈不速證
妙果。為佛仙之所深嘉者乎。有志於道。宜究心焉。

呂祖全書卷二十三

義陵無我子劉體恕彙輯

男劉蔭誠清惠
姪劉允誠清虛

全校

沙羨一行子黃誠恕參訂

棲真宣演拔濟苦海雪過修真仙懺

爾時呂祖孚佑帝君。在大羅天上。金闕雲宮。大通明殿。
。與諸天諸仙。恭侍玉皇上帝。欲聽法音。維時玉皇至
尊。寂然靜默。安坐無為。諸天簇擁。萬聖侍階。十洲
三島。一切真仙。莫不在會。默運幽玄。觀見下方求道
男女。覓真無路。未曉其因。縱識懺悔。奈彼身中情慾
難淨。冤業難消。衆聖惻憫。欲懇玉帝為演大法。度脫
塵迷。懷念於哀。一時未敢。於是孚佑帝君。出斑俯顙

。恭敬作禮。近帝座前。哀懇言曰。今日下元衆生。迷
謬者多。染著貪瞋。繫念塵俗。不肯回心向道。臣屢蒙
勅降。龍沙顯跡。說法五陵。至今修功者多。證果者寡
。皆因俗念未蠲。凡情不決。以致罪過積身。日復一日
。如山如河。愈重愈深。莫能解釋。不惟不得其道。而
反墮於羅網。由刦累刦。盡失本原。莫得人身。祈帝垂
憐愚昧。爲衆宣說釋咎之方。作度迷之寶筏。爲接引之
指南。實大利益。莫可稱焉。玉帝聞言。不覺悲憫。憮
然而歎。諸天默爾。帝亦恭思良久而言曰。今子所說人
間之苦。誠堪哀痛。奈衆生不悟。惟迷世故。不肯修行
。皆因夙根淺薄。自失良緣。視己身爲草芥。以致喪滅
本來。不知性是心主。身乃心宅。了悟心性。何有於身

。三者能空。是名大道。惟是心者。有一不悟。皆爲凝滯。學道之士。動云幻身無用。究歸頑空。槁滅心性。不能證真。至若凡夫在世七情太重。六慾不清。日染日深。誰知誰覺。一朝刳盡數終。自家無主。元氣化風。肉骨成土。其孽其殃。報於身後。延及子孫。誰之咎與。誰之愆與。若不開明正道。昭著訓言。則末世男女。何由超脫。欲求證道之方。當尋自家面目。認性之根。知命之本。惜精愛氣。修己存神。當煩惱之時而自持之。未淫慾之動而早制之。以至一視一聽。皆不可苟。一步一趨。皆不得輕。靜以煉真。動而符節。由此持之。久而自然。仙聖同肩。陰陽合德。積累細行。漸達神功。凡諸學道男女。求登證聖之階。先去一身之過。罪根

不拔。難見光明。冤業不消。難躋妙道。一行有缺。若
瑕若疵。青損音在躬。若塗若炭。況於五刑十惡。而可恣
資去乎。凡欲學道希仙。或欲超先度祖。或釋凶厄。或
解冤愆。或禳災請福。或保命延年。不問男女。當誠當
敬。自斷自決。對五帝三官之前。值五臘十直之日。清
淨身心。嚴潔壇宇。然燈燒香。花果供列。稱揚諸天
睿號。懺悔一切罪愆。自然感動天帝神君。山嶽海瀆諸
聖。一時降臨。卽得其罪目。紀錄宏功。無有失謬。志
心瞻禮。人各恭敬。

志心朝禮每稱聖號一聲必念此一句禮一拜

帝師無上。先天混沌。鴻濛水火。生一始祖。開荒元陽
上帝。孚黎無始天尊

帝師生道生天生地生人生佛生仙。自本自根。無爲妙相。
。太初炁元上鐵師元陽上帝。
帝師先天混沌。開明三景。黍珠說法。無量度人。掌教
萬法之祖。混元上德皇帝。至極天尊。
萬天之主。玉皇大天尊。炁穹高上帝。
萬雷之主。天皇上帝。
萬星之主。太皇上帝。
萬地之母。土皇地祇。
萬民之主。蒼皇上帝。
萬懿之主。元天皇后。聖父聖母。至聖天尊。
大成至聖。鴻儒教主。無量洞空天帝。
萬上神霄。玉清真王。長生大帝。

神霄東極青華大帝。

九天雷祖光明大帝。

太乙救苦天尊。

九天貞明大聖。雷聲普化天尊。

神霄洞淵上善崆峒伏魔應感天尊。

神霄水府翠闕六波。天帝君。

九天益算司好生韓君丈人朱陵度命天尊。

神霄紫微碧玉宮太乙大天帝。

十方太上靈寶天尊。

無量度人三十二天上帝。

九天自然生神上帝。

十方化號救苦天尊。

五方五老梵炁天君。
東華上相木公帝君。
西陵金真神母元君。
斗中高上玉皇尊帝。
斗中高上太微玉帝。
北斗炁微炁卿大帝。
北斗九皇解厄星君。
南斗六司延壽星君。
東西中央三斗星君。
斗中三台華蓋星君。
雲天二十八宿星君。
六十甲子支干星君。

十二宮辰分野星君。
當年本命元辰星君。
普天辰斗萬象星君。
上清十一大曜星君。
五福十辰太乙星君。
三元三品三官大帝。
三宮九府拷較真仙。
萬法教主玄天上帝。
北極法主三聖真君。
天樞院內二使真君。
三百六十應感天尊。
五百靈官應感天尊。

九天開化主宰。七曲文昌梓潼帝君。

正陽立極傳道帝君。

祖師天雷上相。靈寶真人。演正警化孚佑帝君。興行妙

道天尊。

太虛燮和。純一靈寶。正一品鄭真人。

太函燮理。渾元靈寶。正一品賀真人。

十方感應。衛道柳真人。

鏤鐲感應。揮氛張真人。

祖師領仙應供監齋大法真人。

祖師靈寶經籍度衆三師真人。

玉闕平章侍宸林真人。

紫清養素白真人。

月鼎明道一炁莫音慕真人。

紫陽清虛洞道朱真人。

苦竹火龍二大真人。

汾陽妙道薩公真人。

金鼎妙化申真人。

悟真紫陽張真人。

全真三丰張真人。

文真普濟楊真人。

佺佺龍真人。

天心黃真人。

九天司命東廚定福府君。

本府城隍碩德尊神。

本縣城隍輔德尊神。
通天都府司瘟主者。
下界行瘟一切之神。
當方土地社令神祇。
飛符傳語齋之神。

是時玉皇至尊。垂憐癡蠢。憫痛愚頑。頒下寶章瓊宇。
教導衆生。回心洗過。學道修行。不忍衆生。永墮三塗。
。沉淪諸趣。復告呂祖真君曰。下方學道男女。既已歸
神歸身歸命。當念弟子某自從夙世。以至今生。不無罪
咎之招。難免愆尤之積。本乎意念。及於躬行。或不忠
於君。不孝於親。不敬於長。不信於朋。侮慢鬼神。欺
瞞天地。褻狎風雷。怨訾雨澤。裸體星辰之下。衝突雷

電之中。說無神理。導人爲惡。見人結仇而不與解。使人破散而以爲快。閒旁助語。加人瞋怒。背後添言。使人鬪爭。升斗戕秤。出入不平。交易好歹。虧損不足。常思利己。不顧他人。見人貧賤歡喜。見人富貴忌妒。居下不義不禮。爲上不寬不恕。忍作殘酷。私謀計害。讒其忠良。忌其成功。暗傾正人。致誤家國。剝民脂膏。枉刑其下。鞭僕虐婢而不知恤。服牛乘馬而不知憫。損踐穀苗而不知珍。棄毀器物而不知愛。奸僞淫邪。反道悖理。聽妻妾語。違父母訓。兄弟異心。夫妻反目。暴滅五常。絕斷六親。怠棄宗祀。好樂邪神。忌日遊宴。朔望縱怒。慢聖瀆賢。輕經玩典。不信因果。誹謗出家。遇有殘廢。不生矜憐。知他窮遁。不肯寬假。見他

困苦。視若罔聞。見他疾病。不思療藥。欺逼孤寡。豪
逞強梁。侵占他產。圖遂己心。乾沒他貲。使不得所。
人拂意而我喜之。人號泣而我笑之。毀姻盟而間骨肉。
構訟詞而寫離書。說善行惡。面是背非。嫚罵尊者。恐
嚇衆民。欺罔其上。賣禍於人。弄筆舞文。橫言曲說。
交遊濫與。損己德性。閒與人談。污及閨門。不贊婚姻
而反破之。不行方便而反害之。拋人之骸骨而不掩。自
溺其子女而不惜。傾覆胎卵。燒殺螫蟲。肆恣射獵。諂
瀆祭祀。遇人放生。便笑他癡。遇人持齋。便說他愚。
遇人功德佈施。說他無用。殺生爲充口腹。飲盃不知自
檢。溺色亡身。重利滅義。假借不還。執爲己物。忍人
急迫。不通乞與。損彼物用。絕其資取。盜彼貨寶。傷

其性命。與修斬伐。以妨人墓。決水縱火。以害民居。男不仁愛。女不貞潔。輕慢公姑。違逆夫子。不惜家物。反私蓄積。不守閭規。以失婦道。不遵寡言之訓。不修純靜之容。嫉妒不仁。致絕夫後。不和妯娌。不睦伯叔。不助夫美。惟成己志。有虧中饋而不知恥。有玷家風而不知辱。多訕多非。好遊好戲。婦無良德。難逃陰察。人作惡孽。豈無冥誅。況於殺人之命。殄人之宗。滅人之家。陷人之族。願他流落。而不自思。願他窮窘。而不自體。見人婦女。便起私心。見人財物。便思貪得。懷他忿恨。便願他死。推人墮坑。咒詛行術。毒藥害人。穢食給餒。行路遇乞。懷錢不佈。飽煖自喜。不念饑寒。伺他失便。輒行指摘。乘他顛危。更加推擠蔽塞。

賢路。遭弄癡愚。以美爲惡。棄長取短。以己之能。形
戈之缺。以己之有。形人之無。發人之隱。攻人之非。
辜人之恩。蓄人之怨。假他之資。飾作己惠。將此之孽
。移爲彼殃。瑣屑之事。而動引神明。闇昧之行。而妄
誓天日。對三光而便溺。吾弔切 堯去聲向廚竈以哭吟。移供燭
以照人行。點神香以薰穢榻。依托功德。欺誑錢財。假
借煉修。要求衣食。巧令以掩己過。冤誣以敗他節。不
顧人之難能。而倍加其重苦。不憐人之已竭。而枯索其
所資。懷才自私。不爲指教。爲師不明。反生高慢。負
人所託。以絕人望。無澤及物。口惠招名。看橋梁道路
之圯廢而不理。怨聖容佛像之頽毀而不修。脫落經書。
踐踏文字。斷其要衢。塞其水道。不便人行。惟知自益

。言語無誠。舉動無禮。存心不謹。守身不慎。足履污地。躬蹈非所。不近君子。反暱小人。設意造謔。比黨排擊。流言惑衆。左道誣民。身三口四。伐氣喪真。敗其元神。損其本性。名說修行。而心染貪癡。口念經文。而懷藏兇毒。自暴自怨。咒鬼咒神。千愆萬過。種種難名。雖曰懺言。及名天律。若犯一愆。便增一障。世人不悟。惟縱自心。不知冥冥之中。自有天帝使者。糾察等神。每日在人頭上。錄其善惡。定其福殃。作善之人。如種稻梁。自食自飽。作惡之輩。如栽棘茨。自困自傷。報應在天。還在於己。今念下民愚濁。導知發露首雪。懺悔道前。夙生今世。隨願消除。悉今更新。速回覺悟。於是孚佑帝君。欽遵玉旨。普化十方。今爲宣

演。授諸在壇弟子。願體帝慈。隨方勸化。諸善男子。
及諸女人。但願修真。早斷業障。養智慧根。出煩惱徑。
。過去先亡。卽登道岸。無地獄苦。免輪迴趣。一切有
緣。同資道果。志心發願。願我常見慈悲主。願我常聆
佗妙音。願我常綿天地根。願我常宣妙法語。願我得值
聖道場。願我不生諸邪萌。願我斷除諸魔障。願彼三塗
永消滅。願人不起干戈意。願人箇箇得安樂。願降洪恩
賜吉祥。願賜衆生悉遂心。願慈悲。加我等。一切凡夫
荷帝恩。自從懺悔諸罪過。所造惡孽化爲塵。如棘盡拔
栽嘉穀。如濁盡瀉復流清。如雲散去月卽見。如雪化釋
及消冰。心中無礙光珠瑩。三物圓圓聚我真。頂上一輪
光赤日。射照萬國徧乾坤。自從懺悔諸惡後。安敢從前

又復生。亡過資此脫沉滯。見存各各保安寧。

志心禮謝

無上虛皇至真三寶。

呂祖棲真宣演拔濟苦海雪過修真仙懺回向有凡回向懺回俱

者回其邪心向者向真實際佛經
有十回向各有淺深次第不同

願以懺功德。回向大慈尊。加庇我宗親。師資竝眷屬。
普惠諸衆生。皆成無上道。

呂祖讚

玄門道祖。金闕選臣。遊行三界統天人。大法掌雷霆。
變理乾坤。刳盡保無侵。

呂祖九陽齋期

每月初一初九十五十九二十九

凡懺必於懺文末。備列上帝。及諸天帝君祖師諸誥。以爲證盟之意。此在禮懺者。繁簡隨人。原無一定。故茲集內。止述懺文。誥俱不錄。